

k29
H819
12

中國方志叢書·第二號

據

清·林述訓等修單與詩歐樾華等纂
清同治十三年刊本

影印

廣東省

韶州府志

(全)

成文出版社印行

sk72/08



中華民國五十五年十月臺一版

韶州府志

全冊

定價：四〇〇元

發行人：黃 成 男

台北郵政信箱二二六〇五號

出版者：成 文 出 版 社

台北郵政信箱二二六〇五號

印刷者：正 大 印 製 廠

三重市長生街二號之一

版權所有

內政部登記證內版台業字第一一四七號

韶州府志序

志乘一書與詩相表裡古者陳詩觀風以驗政治
今使車所至郡邑率具志書用備觀覽蓋其遺意
也予奉

簡命分道巡粵駐節韶陽披閱郡志周咨土俗而知利
弊竊歎志書爲一方掌故亦長吏治民之明鑑也
攷韶志先有新舊圖經久佚不傳最後爲明之符
志亦就殘缺

國朝康熙二十六年郡守唐君鍾修刊行今二百年
矣徵文攷獻端賴此編然政因時宜人以代著歷
年既久有待纂增王申之夏郡守額君以修輯來

韶州府志序

諸隨設纂局延單藻林山長總其事而屬歐孝廉
諸紳勸校七閱月而就緒旋權篆高涼今春張君
綜核繕本就質於余竊維修志之法萬不敢言春
秋謹嚴然文省事增操筆者宜奉爲圭臬諸紳博
採廣摭文無遺義而詳畧之宜有待再商爰偕歐
孝廉重加校正大率宗舊志而證以他書計從事
數月猶虞其舛也編數往復而心始安其亦古人
矜慎之意與而未敢信也書成都分卷帙用資考
證後之牧斯郡者於此辨形勢察輿情興學育才
勸農講武權輕重以爲治庶免無徵之憾焉然則
志書之作吏治民風胥關得失纂修之責不綦難

哉是爲序

肖

同治十三年歲次甲戌暮春月分巡南韶連兵備
道林述訓撰

韶州府志序

今天子御極之八年余由部曹出守詔州下車之始卽索觀郡志不可得詢之吏人以梓板久毀對稱紳家亦鮮有藏者多方購求久之獲一帙漫漶殘缺幾至讀不終篇稽其時則康熙二十六年所修本也距今幾二百年矣慨然曰是非守土者之責耶夫志之所志卽古觀風納賈之遺意我

朝聲教四訖無遠弗届况詔州承有虞氏之遺久親聖人教化稱聲明文物之邦綜稽往籍代有偉人流風餘韻俯仰問如或遇之惜今之蠹簡零編多歷年所其政令之張弛習俗之移易人文之繼起未經續纂者不一而足兼之劫歷紅羊屬邑大都

詔州府志序

三

殘破一時戎功武畧節烈忠貞久而不彰將汨沒於荒煙蔓草修復之宜亟無有甚於今日者屬政繁未暇府庫不充事難驟舉越三載百廢漸復四方安堵一日謁觀察使林公白以府志歲久失修事多缺畧前此者已虞因誤傳疑後此者更恐無徵不信奚以維持風化詔示來茲他日省方將成缺典擬卽爲續殘補闕觀察曰嘻余蓄此志久矣以兵燹初定民氣未復且未有同志者任之子欲舉行意甚善第民貧地瘠經費難籌必事在速成始無糜費年湮代遠責在廣訪博稽務得其人庶免遺瀝慎毋銳於始而懈於終也慎毋矜言

作而不必善成也子其勉旃余謹受教爲之悉力籌畫不請官帑不事科歛因地因事經營數閱月得備款以待時則有單藻林先生連州名宿也由江西太守解組歸主詔城相江講席以禮聘爲總纂之任延曲江孝廉歐君樾華英德孝廉楊君模曲江選拔侯君遇南翁源選拔何君天龍分司編纂暨擇各邑紳矢慎矢公遍爲採訪粗就緒隨與主文者商榷體例或改修或修併或增益分門隸事秩然勿紊遠事之無考者闕之近事之有徵者補之疑以存疑信以傳信務質實毋炫飾議成條列各目呈 林觀察鑒定後具其事於 上台皆

詔州府志序

四

日司政吉壬申之七月設局開修諸紳咸踴躍從事不數月綱舉目張大端已具竊幸得樂觀厥成也詎歲除余因奉檄移守高州匆匆赴任去臨歧祖道與局紳諄諄相囑悵然久之今春三月歐君函來謂郡志將脫稿告成付之剞劂余聞之色喜忻然曰功竣竟若是之速耶方余初倡議時撫陳編之脫落嘆墜緒之微茫深懼謀之不臧無由集事今幸矣昔之蠹腐而不堪卒讀者今則燦若列眉而備一隅之文獻矣昔之散失而恐其湮沒者今則勒爲成書而發潛德之幽光矣上以供輶軒之採擇下以資後世之觀感卽於是乎在雖其間

傳聞獨絕按羅無從誠不免有草腐珠沈之憾然而卓越之行常存於天壤秉彝之理不沒於人心後之博雅君子必將補今之未逮也是役也觀察林公提挈其綱領張太守踵事督成秉筆諸公紀載彰彰夙夜匪懈余誦陋不文固不足肩斯任始其事又未獲終其事心竊愧焉因歐君以序請爲述其原起云爾

嘗

同治十有二年歲在癸酉暮春下泮韶州府知府調署高州府事額哲克撰

韶州府志序

五

韶州志權輿於劉宋王韶之始興記其事本也嗣唐以韶名州而有圖經宋趙伯謙又著新圖經元有王志明有方志符志自成一代書今篇目散見而全帙則無可攷矣

國朝定鼎康熙丁未郡守馬公倡修越二十年唐公增修距今二百年其間因革損益與夫人物所宜增者幾久而就湮歲壬申郡守額公報政之暇擬修郡志請於觀察林公敦延吾師單藻林夫子爲總纂而委樞以主文自維譾陋於史家無一長安敢毅然刪訂惟前事者後事之師也取舊志讀之勉竭負山之力條綜終始而得大畧復隨楊

韶州府志序

六

曙洲何雲臣侯紹周三同年參互考訂創爲草藁彙質於單夫子而報之郡守適額公有高州之役匆匆未暇細校也張公嗣守命繕呈觀察鈞鑒觀察詔樞而告之曰志史之支流也以嚴潔爲主今觀藁本規模具備近於醇雅而事之利弊文之繁簡宜再參詳子其來署爲余商爰具筆札親承校閱觀察乃日求郡之休戚隨條剖析期歸明顯爲施政資樞亦時陳管見參末議於篇蓋其慎也書成計四十卷付之剞劂以備一方掌故而觀察實心實政保惠吾韶亦於是乎見由此觀之澤被生民仁人之用心固自無窮乎後之

人士徵文考獻興感於風化之由當畢然景仰乎
德教也至機一介庸愚謬爲掇拾僅以襄事竊附
末光諸君子曲諒寡識而教之也幸甚郡人歐樾
華謹序

韶州府志目錄

序 職名 圖

卷一

卷二

歷代沿革表

卷三

職官表

文職 漢 三國 晉 宋 梁 陳
隋 唐 南漢 宋 元

卷四

職官表

文職 明

卷五

韶州府志目錄

職官表

文職 西朝

卷六

職官表

武職 宋 元 明 國朝
封建附

卷七

選舉表

制舉 文科第 貢選

卷八

選舉表

國朝文科第 貢選

卷九

選舉表

武科 例監 武秩
封建附

卷十

輿地畧

方域 形勢 畧度 分野 氣候

卷十一

輿地畧

坊都 戶口 風俗 物產 祥異

卷十二

輿地畧

山

卷十三

輿地畧

川 水利附

卷十四

輿地畧

關隘 梁津

卷十五

建置畧

城池 廨署

卷十六

韶州府志目錄

建置畧

學校

卷十七

建置畧

學校 學制附 學田附

卷十八

建置畧

書院

卷十九

建置畧

壇廟

卷二十

建置畧

坊表

卷二十一

經政畧

田賦 外賦附 祿餉 祀典 儀制

卷二十二

經政畧

關榷 鹽引 庫儲

卷二十三

經政畧

郵政 防器經費 賓興經費

卷二十四

武備畧

兵制 營汛 疆里 城樓砲位 營馬
驛傳 哨船 兵市

卷二十五

古蹟畧

城址 署宅 卒臺

卷二十六

古蹟畧

名勝 寺觀 塚墓

卷二十七

韶州府志目錄

三

宦績錄

卷二十八

宦績錄

卷二十九

宦績錄

卷三十

武功錄

客將附

卷三十一

謫宦錄

寓賢附

卷三十二

列傳

人物

卷三十三

列傳

人物

卷三十四

列傳

人物

卷三十五

列傳

義烈 耆壽

卷三十六

列傳

列女

卷三十七

列傳

列女

卷三十八

韶州府志目錄

四

列傳

釋道 稿登

卷三十九

藝文

卷四十

雜錄

修志職名

總修

欽加三品銜分巡南韶連兵備道林述訓

賞戴花翎三品銜候補道韶州府知府額哲克

賞戴花翎補用府署韶州府知府張作彥

欽加三品頂戴道銜署韶州府知府段錫林

監修

賞戴花翎同知銜曲江縣知縣張希京

總纂

前江西臨江府知府單興詩連州

分纂

韶州府志職名

主稿

舉

人歐樾華曲江

分發四川試用知縣舉人楊模英德

增城縣教諭拔貢侯遇南曲江

儘先前選用教諭拔貢何天龍翁源

舉人陽成華廣西

總校

州同銜舉人鄧掄英曲江 恩貢歐棠華曲江

分校

廩生劉松曲江 增生張雲翺曲江

廩生廖銑光曲江 廩生楊楷英德

生員何天麒翁源 生員唐建勳曲江

生員曾敦庸曲江 生員劉占芳曲江

總採訪

歲貢張世賢曲江 卸新甯縣教諭楊文田曲江

分採訪

舉人王熾昌翁源 拔貢沈師誠翁源

拔貢劉思楨仁化 拔貢李濂英德

拔貢傅秉堅乳源 拔貢許熙堯翁源

拔貢黃政勤樂昌 拔貢馮翼之曲江

拔貢劉竹如乳源 制舉龔敬德樂昌

歲貢白權樂昌 歲貢白洪樂昌

歲貢莫楷曲江 歲貢曾世翰曲江

韶州府志職名

歲貢朱世榮翁源 歲貢郭先香翁源

歲貢楊培植英德 歲貢黃惠風英德

歲貢方均仁化 恩貢譚世芳仁化

教職巫宜勳英德 廩生張景徽英德

廩生葉華國仁化 廩生萬文新英德

生員李鼎銘曲江 生員楊夢禱曲江

經管

候選直隸州州判拔貢張共辰曲江

州同銜龍川縣教諭邱培璜曲江

候選訓導歲貢侯文輝曲江

國子監典簿銜候選訓導歲貢劉多寶曲江

收掌

中書科中書朱邦淑

曲江廩貢

廩

生張子光

曲江

繪圖

增

生朱克仁

曲江

校對膳錄

生

員歐烜新

曲江


韶州府志職名

三


韶州府輿地圖

郡屬舊志地圖綜境內山川繪成總圖縣圖
具載大畧今圖以此爲底本再合廣東通志
及圖說兩書詳加校訂以定圖式復謹遵
大清一統志辨湊水武水東江湔江來源攷武溪集辨
大崗山仙人石室在處將圖位更正又凡山
之位置宗通志水之脉落宗圖說邑治巡司
汛防之處所據舊志與採訪商推閱月計成
此圖務使疆域瞭然在目非敢云確也第按
圖求之庶幾有以辨得失耳

韶州府志輿地圖



東北至江西大庾




里十五百 一距北南



韶州府城池圖

城周圍二里三十
步高六丈五尺池
東南北四百零四丈
正北二百一十六
丈東西瀕河無濠



韶州府志城池圖

十一

郡城之設有南漢始基代經修築事詳建置略今將署
廨壇廟樓臺街道並周垣城門按位繪圖因攷城門初
年位置不詳舊志載宋寶元二年修望京門明洪武二
年建五門見方位及各嘉靖二十年修五門大樑天啟四
年開新東門崇正九年以形家言遷上數十武若正南
一門啟閉年代志俱不載而父老傳聞隱有遺蹟同治
十三年冬郡紳士呈請開復經署道張鏡署鎮鄭紹忠
署府段錫林會詳督撫部院批行光緒元年張署道段
署守先後瓜代去續經巡道華祝三署鎮鄧紹忠知
額哲克會諭郡紳士勸捐度地捐吉興工在城南隅開
門建樓連築月城鞏橋趙其門曰文明光緒二年仲秋續志

韶州府志卷一

訓典

順治三年

上諭朕惟

太祖

太宗創業東方民醇法簡大辟之外惟有鞭笞朕仰荷

天庥撫臨中夏人民既衆情偽多端每遇奏讞輕重出入

煩擬議律例未定有司無所稟承爰敕法司官廣集

廷議詳繹明律參以國制增損劑量期於平允書成奏

進朕再三覆閱仍命內院諸臣校訂妥確乃允刊布名

曰大清律集解附例爾內外有司官吏敬此成憲勿得

韶州府志卷一

訓典

任意低昂務使百官萬民畏名義而重犯法冀幾刑措
之風以昭我

祖宗好生之德子孫臣民其世世守之

順治十二年

諭禮部朕維帝王敷治文教是先臣子致君經術爲本自
明末擾亂日尋干戈學問之道闕焉未講今天下漸定
朕將興文教崇經術以開太平爾部卽傳諭直省學臣
訓督士子凡理學道德經濟典故諸書務要研求淹貫
博古通今明體則爲真儒達用則爲良吏果有此等實
學朕必不次簡拔重加任用又念先賢之訓仕優則學
仍傳諭內外大小各官政事之暇亦須留心學問俾德

業日修識見益廣佐朕右文之治特諭欽此

康熙十八年

上諭敦孝弟以重人倫篤宗族以昭雍睦和鄉黨以息爭

訟重農桑以足衣食尚節儉以惜財用隆學校以端士

習黜異端以崇正學講法律以儆愚頑明禮讓以厚風

俗務本業以定民志訓子弟以禁非爲息誣告以全善

良誠匿逃以免株連完錢糧以省催科聯保甲以弭盜

賊解讐忿以重身命

康熙二十五年

御製蓋自三才建而天地不居其功一中傳而聖人代宣

其蘊有行道之聖得位以綏猷有明道之聖立言以垂

韶州府志卷一

訓典

二

憲此正學所以常明人心所以不泯也粵稽往緒仰溯
前徽堯舜禹湯文武達而在上兼君師之寄行道之聖
人也孔子不得位窮而在下秉剛述之權明道之聖人
也行道者勳業炳於一朝明道者教思周於百世堯舜
文武之後不有孔子則學術紛淆仁義湮塞斯道之失
傳也久矣後之人而欲探二帝三王之心法以爲治國
平天下之準其奚所取衷焉然則孔子之爲萬古一人
也審矣巡省東國謁祀
闕里景企滋深敬摛筆而爲之贊曰
清濁有氣剛柔有質聖人參之人極以立行著習察舍
道莫由惟皇建極惟后綏猷作君作師垂統萬古曰惟